



Bosnia and Herzegovina  
Federation of Bosnia and Herzegovina

KANTON SARAJEVO  
Ministry for Education

№1

Broj: 11-03/02-34-6550-5-1/21

Sarajevo, 11.3.2021. godine

## SKUPŠTINA KANTONA SARAJEVO

n/r Elvedin Okerić, predsjedavajući Skupštine Kantona Sarajevo

**Predmet:** Odgovor na zastupničko pitanje, *dostavlja se*

Cijenjeni,

**Zastupnik** u Skupštini Kantona Sarajevo Samir Suljević je na 33. Radnoj sjednici Skupštine Kantona Sarajevo održanoj dana, 03.3.2021. godine u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa čl. 211. i 214. Poslovnika Skupštine Kantona Sarajevo postavio **zastupničko pitanje:**

*„U javnosti se pojavila informacija da su dokumenti predmetnih kurikuluma dostavljeni Ministarstvu za odgoj i obrazovanje. Zanima me koji su dalji koraci? Kada će predmetni kurikulumi biti objavljeni (konkretan datum, molim) i kako je planirana obrazovna reforma u Kantonu Sarajevo u narednom periodu?“*

**Odgovor:**

Postupajući u skladu sa zaključcima, donesenim na 2. Tematskoj sjednici Skupštine Kantona Sarajevo održanoj dana, 22.10.2019. godine, Vlada Kantona Sarajevo je rješenjem broj: 02-05-44128-6/19, od 20.12.2019. godine imenovala Ekspertno radno tijelo koje je trebalo u koordinaciji sa Ministarstvom za odgoj i obrazovanje rukovoditi reformskim procesima u obrazovnom sistemu Kantona Sarajevo. Jedan od zadataka članova Ekspertnog radnog tijela, u skladu sa izdatim rješenjem, bio je kvartalno informisanje Vlade i Skupštine Kantona Sarajevo o poduzetim aktivnostima iz oblasti reformskih procesa u obrazovnom sistemu Kantona Sarajevo. Ministarstvo za odgoj i obrazovanje nije dobilo informaciju na koji način će imenovano Ekspertno radno tijelo u koordinaciji sa Ministarstvom rukovoditi procesima u obrazovnom sistemu u Kantonu Sarajevo.



web: <http://mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba);  
Tel: + 387 (0) 33 562-128,  
Fax: + 387 (0) 33 562-218  
Sarajevo, Reisa Džemaludina Čauševića 1



Uzimajući u obzir da je reforma obrazovanja u Kantonu Sarajevo dugogodišnja tema, čije je provođenje veoma važan korak u sistemskoj izmjeni izvođenja nastave u školama, važno je napomenuti da je u proteklom periodu Ministarstvo kontinuirano radilo na reformskim procesima u obrazovnom sistemu. Donesena je Odluka o pokretanju postupka izrade nastavnih programa zasnovanih na ishodima učenja (Kurikulum Kantona Sarajevo) za predškolski, osnovnoškolski odgoj i obrazovanje i srednjoškolsko obrazovanje u Kantonu Sarajevo (broj: 11-01-38-29624.1/18 od 21.05.2018. godine), usvojen je Plan realizacije reforme obrazovanja za period od aprila 2019. do juna 2020. godine, te Plan realizacije reforme obrazovanja za period od juna do decembra 2020. godine.

Trenutno se u saradnji sa OSCE-om radi na kreiranju zajedničke platforme na koju će predmetni kurikulumi uskoro biti postavljeni i dostupni široj javnosti za raspravu, a planirano je da predmetni kurikulumi na navedenoj platformi budu objavljeni 14. 4. 2021. godine.

Nakon provedene javne rasprave o predmetnim kurikuluma, Ministarstvo za odgoj i obrazovanje će analizirati sve prijedloge, primjedbe i sugestije, te izraditi plan daljih aktivnosti, a koje podrazumijevaju i **eventualnu** primjenu predmetnih kurikuluma u odgojno-obrazovnom procesu.

S poštovanjem,

MINISTAR  
  
**Naida Hota-Muminović**



Dostaviti:

1. Naslovu;
2. a/a;



web: <http://mon.ks.gov.ba>  
e-mail: [mon@mon.ks.gov.ba](mailto:mon@mon.ks.gov.ba)  
Tel: + 387 (0) 33 562-128,  
Fax: + 387 (0) 33 562-218  
Sarajevo, Reisa Džemaludina Čauševića 1

